

Reinweltskeier Kerwehock '95

HIER IST DER
ANRUFBEANTWORTER
DER ANONYMEN
ALKHOLIKER...
BITTE LALLEN SIE NACH
DEM PFEIFTON!



Hallo ehr Leid, sinner so weit !

Die Hauptstadt vun de alt Welt
feiert ihr greschdes Feschd,
un so zahlreich sin ach wirrer die Gäscht.

Mer begriese alle aus nah un fern,
un ach die ausem Derfche begriese mer gern.
Die Reiwelskeier Kerwered soll lewe,
drum misse mer edliche Sache verzehle.
Un wenn ähner debei is
der sei Schandate net here will,
der nemmt am beschde a Beruhischungspill.
Der soll hähm gehe hinner de Owe hinner sei Haus,
uns beschde er kummt dann vor Kerwedinschdaach
nimmi e raus.

Vorsjohr war die Stimmung net so iwwerschwinglich,
ei was war dann los, hot de Uli vielleicht gesproch englisch.
Desjohr duner awwer klatsche un lache,
awwer bassen uff das die Gebisse dun net krache.

Ich hoff ehr dun jetzt e bisje Ruhe halle,
un de Applaus der soll bis no Nußbach schalle.

Die Reiwelskeier Kerb soll lewe!

Blaues Auge

Letschtjohr de Kerwesamschdach war schäh,
do hanse was gebrung off die Bäh.
Die Top Formation hot sich ohgekinnicht
un die warn bei uns net grad vebillicht.
Siwwe Mark Indritt warn ohgebracht,
awwer das ho sich ähner annerschd gedacht.
Der hot gemähnt, ich kenn mich do aus,
ich geh hinne an de Kich erinn un eraus.
Es wär bestimmt ach net so großardisch uffgefall,
häder dann sei Maul gehäl.

Wie er in de Hall war, do hot er ohgefang zu grehle:
„Ich bin erinn kumm, ohne mei Geldbeidel zu quehle.“
De Bruno fand des gar net toll,
weil die Kass war noch net emol verdels voll.
Das done is net richdich, dem geh ich jetz no,
vun dem Werner werd ach es Indrittsgeld bezoh.
Er hot dann bei dem die siwwe Mark ingenumm
un der hät ne mit Bligge ball umgebrung.

Im Lumbes gings an dem Owend nur noch um die paar Flogge
un hot an de Thek losgeloss a paar ganz schene Brogge.
De Bruno hot später ach dort gestann
un do hot de Werner richtig ohgefang.

„Der do hinne, hot mer siwwe Mark abgenumm,
der Scheiß Gandarm, die Sau,
der blede Depp der darmich!“
un des war em Bruno doch zu arrich.
So hot er dann durchgemacht die ganz Reih,
bis er kumm is beim Bruno vorbei.

Dem hot das ganze so gestunk,
daß er im Werner hot ähni getunkt.
Er hot em ähni geboxt uffs Au
un das is wor sofort blau.

De Werner war vun dem Schlach in die Eck gefloh,
un de Bruno war endlich wirrer froh.
Weil de Werner des em Bruno hot krumm genumm,
is er fascht e Johr lang nimmi in die Feierwehr kumm.
Es letscht in de Wertschafft hot de Bruno do gehockt,
weil es hot ne mo wirrer an de Stammdisch gelockt.
E bissje später kam der Werner dezu
un dann gabs endlich wirrer ruh.
Sie hon sich nämlich wirrer vesöhnt
un die Beich mit Biercher vewöhnt.

Wie se häm sin, hunse wirrer zamme gelacht,
awwer Desjohr mache ner kä mi so Krach.

Drumm Werner loß de Hinneringang sinn
un geh in Zukunft vorne rin.

Jetzt spiele mer denne zwä mit Gemüt,

„Wenn das blaue Auge wieder blüht.“

(Nach der Melodie „Wenn der weiße Flieder wieder blüht.“)

Gasthaus

ZUR LINDE

**INH. Lydia Schultz
Hauptstraße 12
67753 Reipoltskirchen**

Montag Ruhetag

**mm
Getränke
Markt**

**MARGIT UND GÜNTER REPERT
HAUPTSTR. 34
67753 REIPOLTSKIRCHEN**

Vadderdach

Am Vadderdach uffem Spielplatz is immer was los,
do is bei so mansche die Luscht uff Alkohol ganz schä groß.
Die zwä Sabine uns Anja hun ihr Schmerze gelindert,
un fer Fläumscher se kaafe,
die Geldbeidel ihrer Männer geplündert.

Dene Mäd hots geschmeckt, das kunnt mer gut iwwerschaue,
weil uffem Disch kunnt mer mit de Fläschjer Türmcher baue.
Das ähne fun dene war rischtig uffgebauscht,
es hot em Kalli sei Mobbel mim Toilledewaa verdauscht.
Sie hon gesung, gepiff un geschwung die Logge,
bis gefloh sin die erschde Brogge.

Es Anja hot dann abgeschosß de Bock,
wies häm kumm is, is ach de Babysitter verschrock.
Weils Vadderdach war,
hots em Willi vun unnerwägs mitgenumme,
e schöner Strauß Gemähneblumme.

Am negschde Dach hun se sich geschwor,
das done kummt so schnell nimmi vor.

Jetzt spiele mer denne drei ganz vamos,
von Westernhagen

Willenlos

Es gibt so Gerüchte,
das Körner un Hülsenfrüchte,
in größere Menge ingenumme,
dun manche Leid net gut bekomme.
Manche finnen das Vochelfudder gut,
die hun, was es abnemme betrifft, ganz schein Mut.
Die esse dann solche Sache nur,
un fahre denoh sechs Woche lang in Kur.

Interessenten für ungesundes Abnehmen melden sich bitte
bei der Müslifrau Ursula Seiberlich, Hohlstraße.

Gemeinde setzt Blumenkübel in die Einfahrt des Kerweplatzes,
um Rasereien zu unterbinden.
Blumen müssen täglich gegossen werden.

Urlaubsvertretungen melden sich bitte bei Klaudia Borger,
Hauptstraße.

Tekno-Freaks haben neue Stammdisco gefunden.
Torsten E., Thomas F. und Marco E. seit neuestem freitags
nur noch in Kusel zu finden.

Diverse Vorkommnisse folgen:

Tekkno Marco

In Kusel hun se es Berschkaffee umgebaut un renoviert,
un hun e geilie Tekkno Disco serviert.
Em Torsten, em Tommy un em Marco gefallts dort gut,
dort hänse was Fraue betrifft, e bisje mer Mut.

Dem Marco is klei e Märe ins Au gefall,
awwer anscheins hots net so viel vum gehall.
Die Schweschder vun dem Märe war a noch do,
un die is arich uff de Marco gefloh.
Dem Marco hot das gut gefall,
de ganse Owend Kissjer un Händche gehall.
No Saarbrigge hätse ne es liebschde
mitgenumm in e Stunnehodel,
awwer das ging em Marco doch zu schnell.
De Marco hot nur gehat e paar Seuje,
z.B. wie kumm ich häm am negschde Meuje.

Das Märe hot em dann späder was erklärd,
un de Marco hot gemähnt er hät sich vehärd.
Das se 23 war, das hodder noch vekraft,
awwer das se veheirad is un zwä Kinner hot,
das hot ne ganz schä geschafft.

De Marco hots dann de annere zwä gesaa,
un dodruffhie sin se dann sofort häm gefah.
Drum Kerle los der ähns noch sahn,
ball bische achzeh un kannsch allä häm fahn.

Drum spiele mer jetzt e Lied fer Dich
„Du wirst nicht immer siebzehn sein,
Baby das wirst Du nicht!“

Hallewart

Unser Hallewart de Brucker Werner,
das is e Kanone,
der dut sich sei Awwed als selwer
mit e paar Biercher belohne.
Wann er erscht emol e paar trinn hot,
dann geht´s em viel besser,
weil dann spielt er nämlich doppelt so schnell 5 Palette Glässer.

Die Glässer sin sauwer,
un de Werner hot genuch,
doch do steht noch e dregisch Thek,
das is doch betruch.
Vun ause zwar sauwer,
awwer vewutzt inne drin,
die los ich doch grad so stehe,
das sieh ich doch heit nimmie in.
So hot se dann e paar Woche gestann,
un gemodert vor sich hie,
bis dann de Kolech vun de Brauerei hot´s gesieh.
Der hot sofort die Thech ausser Betrieb genumm,
das nemmt dem de Werner heit noch grumm.

Nodem er das hot em Karl gebeicht,
do hon se mit Ferry die Thech ingeweicht.
No 4 ½ Stunn war die Awed vollbracht,
un de Werner un de Karl hun wirrer gelacht.
Es Bier kann jetzt wirrer Munder fliese,
un de Werner fröhlich sei Blumme gieße.

Als Halleward kann mer net nur annere kontrolliere,
drum Werner du öfders de Lumbe schwinge,
dann basiere in Zukunft nimmie solche Dinge.

Ehr Musikande spiele jetzt ganz grob,
„Das bischen Halle schaffe ich doch flott“
(Nach der Melodie: Das bißchen Haushalt ist doch kein Problem....)

Ernteklau in Reipoltskirchen.

Jutta E., Ellen E., Edwin C. und Helmut T. vermissen über Nacht ihre Beerenfrüchte aus dem Garten.

Hinweise zur Ergreifung des Täters werden mit einem Pfläumchen belohnt.

Postamt trotz selbständiger Renovierungsarbeiten geschlossen. Die Zustellung von Briefen und Paketen hat sich erheblich verschlechtert.

Ach wie wäre das schön,
würden wir unsere alte Postfrau wieder sehn.

Streit um Pfarrgarten endlich beigelegt.

Bäcker hat sich durch intelligenten Tausch die Hälfte des Gartens frühzeitig gesichert.

Gemeinde nutzt Vorkaufsrecht für einen neuen Kinderspielplatz.

Freiwillige Helfer zum Bau des neuen Platzes melden sich bitte bei Karl Heß, Hohlstraße.

Unser schönes Dorf

Ähns wer mol zu erwähne,
un zwar gehts um unser Dörfche --- das schöne.
Jedes Johr dut so e Kremium unser Dörfche bereise
un zwar mache die ver die schänchte Orte dann Preise.

Nur sinn die e paar Woche zu frieh
un kenne deshalb käh Blumme bliehe sieh.
Ach dun die schneller wie e Audo fahrt, durch die Stroße renne,
deshalb kenne die die schänchte Plätzjer a net erkenne.
So suche die Flitzer vum Diencht oft ganz schnell das Weide,
iwwer die Ohsichte vun denne kammer sich dann streide.
Fascht kennt mer mähne, wann die ohfange zu reise,
wissense schun, wem se gewwe die Preise.
Kähme die heid un dede die Blumebracht in Reiwelskeie sehe,
dene blieb vor staune de Mund offe stehe.

Un ähns sahme dene ganz glatt,
mer bleiwe e Dorf, er mache aus uns kä Kurstadt.
Ich froh eich emol, die Reiwelskeier Bosse,
hammer das nedisch, das mer uns jed Johr vun dene
abhänge losse.

Drum sollde ner jetz schun ohfange zu denke,
sunscht duner negscht Johr wirrer de erschde Platz veschenke.

Ich hon mei Stimm jetz genuch mit eich gequelt,
drum wert jetzt erschd emol mei Stimm geehlt!

Es Moni uns Ausland

Do owe bei Wannemacherch do hommer zwä wohne,
die dun sich was Awed betrifft ganz schä schone.
Sie rede awer ständich von Hektik un Stress,
ei was issen das, ich hans schun vegess.
Alle zwä sinn se awedslos,
ei Stelle und Ogebote falle änem net in de Schoß,
Die Schreinerawede kann de Harry offiziell nimmi vollziehe,
weil er sich dodebei sei Kreiz dut vebiehe.
Uff e Umschulungsplatz ward er schun lang
un so langsam werd em ganz schäh bang.

Es Moni hot im Biolade in Mäsem geschafft
es hot em gefall,un die Kunne hän ah mim gelacht.
Doch die Besitzer huns nimme so gern gesieh
un do hots kried e Streßallergie.
Um sich zu erhole is es no England,als Opär,
iwwers Wasser kum is es mit de Fähr.
A halb Johr wills driwwe in England bleiwe
un ab un zu ach e paar Briefe schreiwe.
Es Moni berichtet wies em gefällt,
bei der Familie mit viel Geld.
Drei Kinner, Eule un zwä Affe,
do hots Moni bestimmt was zu schaffe.
Mer wisse jo ah net, was es sich dodevun vesprecht
un em Harry war des ganze ach net so recht.

De Harry hot a Fluch gebucht uff die Insel,
damit er mo wirrer schwenke kann sei Pinsel.
Er hot sicher e schäni Zeit dort verbrung,
awwer fer die Kerwered is er nimmer rechtzeitig hämkumm.

Trotzdem spiele mer em Harry mit viel Mieh

„Die Sehnsuchtsmelodie.“

Hochzeitswahn

Vorsjohr an de Kerb, in de letscht Nacht,
hammer so e langer Lulatsch durchs Dorf geschafft.
Hinnerm Linde uf de Wiss wollde mer ne begrawe,
awwer mer häddens bestimmt net gemacht,
wem mer gewuscht hädden das der de Spitznome Jesus hat.
Die Ufferstehung vun dem Jesus war sensationell,
er hot nämlich verkündet das er heirade will,
un das schnell.

Es Carina hat dann fer 95´ zugesah,
awwer 8 annere Reiwelskeier mähne,
das kenne mer a .

Un weil de Jesus doch net so schnell,
steht der beim Heirade an vorletschder Stell.

De Matthias uns Sabine hon de Ofang gut hienegriet,
die baue sich glei e Haus, damit se zahle misse
kä Miet.

De Christian uns Uta hann weider gemacht
die zahle noch Miet, weil se hun noch kä eichenes Dach.
De Mooge Holger hots vorgeschit hinner sich gebrung
un hott äns vun Odebach zur Fra genumm.

Do hann zwä gewohnt im Herda seim Haus
un die warn der Mähnung si wannere aus.
Weider wie noh Nußbach sin se net kumm,
weil dann hätses Hähmweh noch Umgebrung.
Die Botschaft vom Jesus hat ne dann kä Ruh geloss,
un hann sich dann ach zum Heirade entschloss.

Jetzt endlich kummt de Jesus an die Reih, un noh de
Hochzeitsnacht werrer a verlort hon sei Heilicheschei.

Un de letschde von dere Clike,
der darf dann es Annette..... HEIRATE.

Ehr Musikante spiele denne Paare
awer net lasch
De „Zillertaler Hochzeitsmarsch“

Eigene Herstellung und Schlachtung

Metzgerei

Hess - Graßhoff



Niederkirchen • Talstraße 58 • Tel. 0 63 63 / 322

Wir empfehlen unseren Partyservice

Durch Täler und über Höhen,
ganz nach Belieben mal mit Musik, mal ohne-
immer mit frohgelaunten Fahrgästen,
in Tagesfahrten oder auch in Wochenend-
ausflügen mit gesichertem Nachtquartier

Im Planwagen durch's Pfälzer Bergland

Paul Aßmann
Hauptstraße 7
67753 Reipoltskirchen



Müller Christian hat endlich seine Kriegsspiele im Garten beendet.
Holzpistole und Plastikhandkranaten sind nun im Handschuhfach verstaut.
Er fährt nun mit seinem Mercedes Diesel nach Saarbrücken tanken.

(Geheimtip für sparsame Verschwender: Das Tanken ist dort
1Pfennig billiger.)

Neuer Henry Maske in Reipoltskirchen entdeckt.
Übt am späten Nachmittag auf dem Balkon am Sandsack.

Interessenten, unter anderem auch Herrmann Debus,
melden sich bitte bei Herrmann Holzer, Kegelbahnstraße.

Ehemaliger Getränkeladenbesitzer und Möbelrestaurator aus
Reipoltskirchen zwangs ausgezogen.

Volle Kisten Bier und alte Möbel können jetzt in Kaiserslautern in
der Adler-Apotheke abgegeben werden.

Osrams Mitternachtsparty, auch Frauenvollmondanznacht
genannt, hatte großen Erfolg.
Für '96 zwei weitere Veranstaltungen geplant.

Nähere Informationen erhalten sie bei Josefine Habermann,
Hauptstraße.

De 1. Mai

Am 1. Mai steht de Maibäm, das is schon Tradition
denne stelle die Kellergeischder, das is ä Aktion.
Am Dach bevor, ach Hexenacht genannt,
do soll er gestellt wäre, um 17.00 Uhr, war bekannt.
Die Jugend hot e Zelt gestellt
damit erinn kummt e bißje Geld.
Ver Speiße un Getränke war gut gesorcht,
jetz kunnte die Leid kumme, mim e große Durcht.

Es war e Akt bis der Bäm dut stehe,
er wold partuh net in die Halterung gehe.
Mit Axt un Säh un viel Geduld, stand er endlich um acht
un jetz werd äner druff gemacht.
Es war dann leicht dunkel un schon e bißje frisch,
do kunnt mer net hocke an de Disch.
Drumm fande sich vum Iwwerei, vun de Miehl
un schräg geiwwer vum Plätzje,
drei Fraue an de Thek zu em Schwätzje.
Mer hots ständisch nur noch klopppe gehert,
die han fröhlich mit Pfläumcher ehr Kehl geschmert.
Damit ehr Geldbeutel net so schnell leer,
waren se ständisch hinner neije Spender her.
Äner nom anner hat sich zu nē gesellt,
un wirrer drei neije Pfläumcher bestellt.
Das Gesöff hot dene an dem Owend besonnensch geschmeckt,
un sie han sich beim Trinke net emol vesteckt.


Wies ne am nägschte Moje war,
das lossener eisch am beschte selbscht vun ne sah.

Ehr Musikante spiele dene drei ganz fein

„Äner geht noch, äner geht noch nei.“



MKR GmbH
KFZ-Meisterbetrieb



Inhaber: Markus Klein und Udo Linnebacher

Motorradhandel und Service

Kraftfahrzeughandel

Reifenservice

Hauptstraße 2 · 67759 Nußbach · Telefon 063 64/72 72 oder 413 · Fax 063 64/71 19

KFZ-Reparaturen - Motorradreparaturen - Fahrwerk tieferlegung

TÜV-Vorbereitung - Ölwechsel - Reifenservice (PKW & Motorrad)

Abholung nicht fahrbereiter PKW's und Motorräder - Alufelgen

Tankstelle & Getränke
Tier- & Gartenbedarf
Geschenk- & Bastelartikel

Sabine & Udo Linnebacher

Hauptstr.2
67759 Nußbach
Tele. 06364/413

Geschenkt

Ganz im Friejhohr kunnt mer e Bild in de Zeidung sehe,
wos Reiwelskeier Oberhaupt un de Gläser Peter vorm
Glasbau stehe.

Mim e Reiwelskeier Wabbe in de Hand ließese sich fotografiere
um es Nomensschild uns geschenkte Wabbe zu presentiere.

So hat de „Peter der Große“ sei Gewisser erleichterd,
un die Reiwelskeier Behörde war vun dem Geschenk
dodal begeischdert.

Peter vielleicht duts Wabbe e bißje mee als es Nomensschild
koschde,

denn das dut an alle Egge und Enne schun roschde.
In de Zeidung hot mer unser Bojemächder un des Wabbe
noch gesieh,

doch wo is das Wabbe jetzt werklich hieh?
Wer kann so was vestehe?
Nirgends is das Ding zu finne,
die Hauptsach, es war im Amtsblatt drinne.

Unserm Gemähnerat schenke mer jetz das Spiel

„De schwarze Peter“

un hoffe das er dodurch lerne ver später.

90 Jahre


Bäckerei-Konditorei



Müller

Inh. Jörg Müller

*Kegelbahnstr. 10
67753 Reipoltskirchen
Telefon 06364/323*



Theaderstroß

Die Theaderstroß hadde mer eigentlich aus em Programm
genumm,

doch um äh Stichelche kumme mer net errum.

Vor drei Woche ist was vorgefall,

do hot sich manch ähner de Bauch vor lache gehall.

Am friehe Moje, faschd alle Leid dun noch schlofe,

do qualmts iwwers Dörfche wie aus ähm Hochofe.

Die paar, die schon uff ware, hann an de Stroß gestann,

un sich iwwerled, was do bassiert sei kann.

De Richter find das unerhert,

ich fiehl mich do in meiner Privatsphär gestert.

Die annere sahn mit Humor,

daß done lockt bestimmt die Bolizei hervor.

Sie hodden faschd ganz vegess, iwwer der Verzehlerei,

daß do jemand verbrenne dut sei Hei.

Sie wolde grad wirrer ihrer Arwed nokumme,

do dut die Bolizei schon iwwer die Brick brumme.

Dort bleiwe se stehn und dun die Lage sichte,

un gehn beim Brugger iwwer die Wiss zu dene Bösewichde.

Das Gelächter vum Hannelor war bis dohiene weit se here,

ei wer wolld mer dann do e Knellsche beschere.

Als die Bolizei beim stehe dut sats zu dene:

„Ihr mähne wohl ich wär bled, doch do hanner eich
gewahldich geschnerrt

eich honn ich die Fräd ganz schäh vederb!“

Doch die Bolizei war do annerer Mähnung:

„Es is zwar ordnungsgemäß ogemeld,

awwer trotzdem koschd eich des e Stange Geld.

500m zum Wald sinn des uff kene Fall,

also hanner do die Bestimmung schon

emol net ingehall.

Die Ortsgrenz herd erschd weit do hinne uff,

also noch e Vestoß aus em Bestimmungbuch.“

Ä Wort gebts anner un schon is e neier Krach entfacht,

un die Bolizei hot seit dem schon zwä mol gesah:

„Guden Dach“.

Das ganze war a Superschau,
un es Hannelor werd jetzt vielleicht ah schlau.
Un die Moral vun der Geschicht,
Streit in de Nachbarschaft, des lohnt sich nicht.

Gewen eich doch endlich mol e Stoß,
un machen aus de Kellebohn e friedlichie Stroß.

Zum Schluß so hoff ich, er nemmens mer net krumm,
daß mer uff solche Sache sinn kumm.

Manches war wohr, vieles war Spaß,
uns muscht sich reime, daß es basst.

Es muscht jo käner im Erbode vesinke,
drumm dumer jetzt klei in de Hall äner trinke.

SO, jetzt dun ich es Kerwebuch schließe,
awwer vorher muß de Karl noch unser Strauß begieße.

Ei wo bische dann, schaff dich emol her,
un geb unserm schene Strauß die Ehr.

Ich hoff du hosch der e schöner Nome ausgesucht
ver den Strauß,
drumm dune däfe, un dann kriesche ach emol e
großer Applaus.

Die Reiwelskeier Kerb soll läwe !!!